

AVTALE OM BRUK AV BERBAR DATAMASKIN I DEN VIDAREGÅANDE SKOLEN

MELLOM

Møre og Romsdal fylke , org nr 944183779, og

elev **Pers.nr**.....

Bruken av den berbare PC-en mellom Møre og Romsdal fylke og eleven er regulert av vilkåra i denne avtalen.

1. UTSTYR

"UTSTYR" er i denne avtalen definert som sjølve datamaskinen, ladar og programvare slik det går fram av avtalen.

Utstyret som vert omfatta av denne avtalen er undervisningsmateriell/læremiddel.

Utstyret som vert omfatta av denne avtalen er lista nedanfor:

Maskin/Merke/modell: ACER Aspire 751H

Serienummer (vert påført ved utlevering):

Ladar

2. BRUKSRETT

Eleven får ein bruksrett til datautstyret så lenge eleven er i vidaregåande opplæring i ein av Møre og Romsdal fylke sine vidaregåande skolar.

Datautstyret er Møre og Romsdal fylke sin eigedom så lenge brukaren er elev ved ein av fylket sine vidaregåande skolar. Ustyret er underlagt same reglar som skolane sitt utstyr elles.

Typenemning, fabrikasjonsnummer og liknande som tener til identifikasjon av datautstyret må ikkje fjernast.

3. BRUK OG VEDLIKEHALD

Datautstyret skal brukast i opplæringsssamanheng og i samsvar med Møre og Romsdal fylke sitt IKT-reglement og skolane sine reglement og retningslinjer for bruk av datautstyr og nettverk.

Eleven forpliktar seg til å handtere utstyret med varsemd, slik at det ikkje vert utsett for tap eller skade. Datamaskinen skal transporterast på forsvarleg måte. Eleven må aldri forlate datamaskinen i ulåste rom på skolen.

Eleven er sjølv ansvarleg for å ta tryggleikskopi av eigne data.

4. BETALING

Med heimel i forskrift til opplæringslova § 19-6 vil eleven for bruk av den berbare PC-en betale ein eigendel på kr. 550 skoleåret 2009/2010 og kr. 500 skoleåret 2010/2011, til saman kr. 1050.

Beløpet førefell til betaling i 1 termin pr. skoleår. Det vert sendt faktura for bruken omkring 15.september kvart år med betalingsfrist 30 dagar. Ved for sein betaling vert det sendt ei purring.

Purring medfører forseinkingsrenter i samsvar med den til kvar tid gjeldande prosentsats etter lov om renter ved for sein betaling. Ved manglande betaling etter purring vert kravet sendt til inkasso.

Når alle eigendelar er betalt og eleven sluttar i vidaregåande skole beheld eleven PC-en.

Dersom eleven sluttar i vidaregåande opplæring før alle eigendelar er betalt, vil eleven kunne få med seg den berbare PC-en ved å innbetale gjenståande eigendel, jf. avtalen pkt. 4.

5. SERVICE OG VEDLIKEHALD

Møre og Romsdal fylke har teikna service- og vedlikehaldsavtale med datamaskinvarerleverandøren.

Dersom eleven si datamaskin må leverast til service/reparasjon vil leverandøren stille til rådvelde ei reservedatamaskin for eleven til datamaskina er reparert og levert tilbake til eleven.

Avtalen er gyldig i tre år frå skolestart 2009.

6. TAP ELLER SKADE

Ved skade på utstyret, medrekna programvare, skal leverandøren umiddelbart få melding. Skade som ikkje skolen er skuld i, fritek ikkje eleven for betaling i samsvar med denne avtalen.

Eleven skal handsame datautstyret med aktsemd. Dersom det oppstår skade på datautstyret som skuldast unormal bruk/og eller lemfeldig oppbevaring og transport av datautstyret kan eleven bli heldt økonomisk ansvarleg for utbetring av skaden.

7. BRUKSPERIODE

For datautstyr som vert omfatta av denne avtalen, byrjar bruksretten frå skolestart 2009 og varer så lenge eleven er elev ved vidaregåande skole eigd/driven av Møre og Romsdal fylke. Når eleven sluttar ved vidaregåande skole eigd/driven av Møre og Romsdal fylke og alle eigendelar er innbetalt eig eleven datautstyret, jf. pkt. 4.

Dersom eleven sluttar i vidaregåande skole før alle innbetalingar av eigendelar er gjort, kan eleven velje om han/ho vil overta utstyret etter pkt. 4 i denne avtalen eller levere datautstyret tilbake.

Ved vesentleg mishald av avtalen kan Møre og Romsdal fylke heve avtalen. Heving medfører at eleven umiddelbart må levere tilbake datautstyret. Dersom eleven har betalt for bruken også for perioden etter heving, vil overskytande beløp ikkje bli betalt tilbake til eleven.

8. LEIGEBELØP/BETALINGSVILKÅR

For bruken av datautstyret betalar eleven eit beløp etter pkt. 4 i denne avtalen.

9. GENERELLE BESTEMMINGAR

A: SKOLENS REGLEMENT

Skolens gjeldande reglement vert omfatta av denne avtalen.

B: ENDRINGAR OG OVERDRAGING

Eventuelle endringar i denne avtalen er berre gyldige og bindande dersom desse er skriftlege og underskrive av partane. Partane har ikkje rett til å overdra denne avtalen til ein tredjepart utan skriftlig samtykke frå den andre parten.

C: KONFLIKTLØYSING/VERNETING

All usemje som eventuelt måtte oppstå i samband med denne avtalen skal først søkjast løyst utanrettsleg mellom partane.

Som verneting har partane vald elevens verneting.

10. AVTALEDOKUMENT

Denne avtalen er utferda i 2 originale eksemplar, eitt til kvar av partane.

[Elevens namn]*

[Skole]

[eleven sin signatur]

[autorisert representants signatur]

* Dersom Eleven er under 18 år må denne avtalen underteiknast av eleven sine føresette.

[Føresette sitt namn]

[foresatte sin signatur]